

Visoki predstavnik imenovao novog šefa OHR-a Banja Luka

Visoki predstavnik, Wolfgang Petritsch, danas je imenovao Paula Martina na funkciju zamjenika Visokog predstavnika i šefa OHR-a u Banjoj Luci.

Počeci njegovog velikog i dragocjenog iskustva u Bosni i Hercegovini datiraju još iz 1996. godine, kada je stupio u službu međunarodnih policijskih snaga (UN IPTF). Prvo je bio komandant stanice IPTF-a u Banjoj Luci – najvećoj stanici IPTF-a u zemlji – da bi kasnije bio promoviran u zamjenika komandanta banjalučkog distrikta, nadležnog za šest IPTF stanica i tri podstanice. U toku 1999. i 2000. godine bio je Specijalni izaslanik Visokog predstavnika za Doboju.

Paul Martin je u BiH stigao mjesec dana prije stupanja na novu dužnost da bi se upoznao sa svojim novim zadatkom i funkcijom na mjestu šefa OHR-a Banja Luka.

Paul Martin ima dugo i priznato radno iskustvo u kanadskoj Vladi. U toku karijere je nekoliko puta bio na diplomatskoj misiji. Visoki predstavnik pozdravlja povratak gospodina Martina u OHR i želi mu nastavak uspješne karijere na novoj funkciji.

Visoki predstavnik koristi priliku da se zahvali Georgesu Bordetu koji odlazi iz OHR-a, te da mu poželi uspjeh u daljnjem radu. Kada je u februaru prošle godine imenovan na mjesto šefa Ureda u Banjoj Luci i zamjenika Visokog predstavnika, gospodin Bordet je postao glavna veza između Visokog predstavnika i novoizabrane Vlade Republike Srpske. Odmah po dolasku, gospodin Bordet je uzeo učešće u pregovorima

o Sporazumu o specijalnim paralelnim vezama između Republike Srpske i Jugoslavije.

Period njegovog mandata u Republici Srpskoj obilježava nekoliko bitnih događaja, među kojima je i polaganje kamena temeljca za Ferhad-pašinu džamiju. Kada su nemiri prekinuli prvi pokušaj polaganja kamena temeljca, gospodin Bordet je preuzeo ulogu vođenja organizacije obezbjeđujući uslove tako da se drugi pokušaj završio mirno i dostojanstveno. Gospodin Bordet je u julu prošle godine, takodjer ispred OHR-a, imao vodeću ulogu u organizovanju komemoracije povodom obelježavanja Šeste godišnjice zločina počinjenih u Srebrenici. Također je u potpunosti angažiran i u ovom izuzetno važnom periodu kada oba entiteta vode razgovore o amandmanima na entitetske ustave u skladu sa Odlukom o konstitutivnosti svih naroda na cijelom području BiH, koju je Ustavni sud donio 2000. godine.

Doprinos gospodina Bordeta implementaciji Daytonskog mirovnog sporazuma je neprocjenjiv. Visoki predstavnik je zahvalan gospodinu Bordetu na njegovom radu u OHR-u i želi mu puno uspjeha u daljnjoj karijeri.